

Bosnia and Herzegovina  
Federation of Bosnia and HerzegovinaCANTON SARAJEVO  
GovernmentBroj: 02-04-15108-1/20  
Sarajevo, 31.05.2020. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka) i člana 33. stav (2) Pravilnika o načinu rada i funkcioniranju štabova i povjerenika civilne zaštite („Službene novine Federacije Bosne i Hercegovine“, broj: 77/06, 5/07 i 32/14) Vlada Kantona Sarajevo, na prijedlog Štaba civilne zaštite Kantona Sarajevo, na **31. vanrednoj** sjednici održanoj **31.05.2020.godine**, donosi

**ODLUKU****o prestanku stanja prirodne i druge nesreće na području Kantona Sarajevo****I**

Ovom Odlukom, proglašava se prestanak stanje prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, čime se stavlja van snage Odluka o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine.

**II**

Prestanak stanje prirodne i druge nesreće na području Kantona Sarajevo, proglašava se sa danom 31.05.2020. godine.

**III**

Štab civilne zaštite Kantona Sarajevo će i nakon donošenja ove Odluke, nastaviti raditi i u saradnji sa Kriznim štabom Ministarstva zdravstva Kantona Sarajevo pratiti stanje na ugroženom području, te će na bazi istog utvrđivati obim i potrebe za angažovanjem snaga i sredstava civilne zaštite.

Zadužuju se općinski načelnici s područja Kantona Sarajevo, da na osnovu vlastitih procjena utvrde dalji rad svojih štabova civilne zaštite.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića



#### IV

Zadužuju se rukovodioci kantonalnih ministarstava, samostalnih kantonalnih uprava, samostalnih kantonalnih upravnih organizacija, javnih ustanova i institucija, kao i rukovodioci gradskih i općinskih službi za upravu, te rukovodioci javnih preduzeća i drugih pravnih subjekata, da u okviru svoje redovne djelatnosti vrše i dodatne poslove koje se odnose na preduzimanje neophodnih mjera i aktivnosti na sprečavanju i otklanjanju opasnosti od širenja zarazne bolesti uzrokovane koronavirusom (COVID-19) na području Kantona Sarajevo, kao i na pridržavanje svih propisanih epidemiološko-zaštitnih mjera i preporuka Kriznog štaba Ministarstva zdravstva Kantona Sarajevo.

Poslove iz stava (1) ove tačke, vršit će se dok postoji potreba za istim.

#### V

Ova Odluka stupa na snagu danom donošenja, ista će biti objavljena u „Službenim novinama Kantona Sarajevo“ i saopštena javnosti putem sredstava javnog informisanja.



**PREMIJER**

**Mario Nenadić**

#### Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Štab civilne zaštite Kantona Sarajevo,
5. Ministarstva Kantona Sarajevo (12x),
6. Samostalne kantonalne uprave (2x)
7. Samostalne kantonalne upravne organizacije (5x),
8. Grad Sarajevo,
9. Općinama na području Kantona Sarajevo (9x),
10. Za objavu u „Službenim novinama Kantona Sarajevo“,
11. Evidencija,
12. Arhiva.

Bosna i Hercegovina Federacija Bosne i Hercegovine KANTON SARAJEVO Kantonalna uprava civilne zaštite			
PRIMLJENO:		01.06.2020	
Organizaciona jedinica	Klasifikaciona oznaka	Redni broj	Broj priloga
		1028	



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

